



ETx F-ko EUSKADIKO TXAPELKETA ETA LEHIAKETETAKO ERREPIDEKO TXIRRINDULARITZA-LEHIAKETETAN COVID-19AREN ONDORIOZ HARTUKO DIREN PREBENTZIO-NEURRIEN PROTOKOLOA

2020-07-17

Eusko Jaurlaritzako Jarduera Fisikoaren eta Kirolaren zuzendaritzak Osasun Sailarekin eta Osasun Publikoaren zuzendaritzarekin kontsultatu ondoren egindako COVID-19aren osasun-zaintzako egoeran egon daitezkeen kirol-lehiaketak egiteko gogoetak agirian jasotako eskakizunak beteaz eta agiri horretako oinarriak kontuan izanda, eta Osasun Sailaren 2020ko ekainaren 18ko Aginduaren arabera, non adierazten den aipatutako Aginduaren eranskinean aurreikusitako neurriak osatu egin ditzaketela *jarduera-sektore bakoitzera egokitutako berariazko planek, antolakuntzako protokoloek eta jarduera-sektore bakoitzera egokitutako gidak, eskudun administrazioek onartu badituzte*, Euskadiko Txirrindularitza Elkarteak - Federación Vasca de Ciclismo (ETx F) agiri hau egin du eskudun agintarien jarraibideak eta zuzentarauak betetzeko, egokitzeko eta beste neurri batzuekin osatzeko, ETx Fko txapelketen eta Euskadiko lehiaketan **Errepide** arloko ezaugarriak eta berezitasunak kontuan izanda.

Ondorioz,

- ☞ Lehiaketak egiteko baimena udal agintariei dagokie, eta beste erakundeei ere beharrezko baimenak eskatuko zaizkie hala behar izanez gero, esaterako, Trafikoari...
- ☞ Erakunde antolatzaileek eskudun erakundeei lehiaketaren garapeneko protokolo bat eman beharko diete, higie eta urruntze neurri guztiak betetzen direla eta agintarietara ezarritako gainerako arau guztiak ere betetzen direla bermatzeko.
- ☞ Erakunde antolatzaileek irizpide hauek bete beharko dituzte:
 - Erakunde antolatzaileak osasun eta osasun-segurtasun arloko beharrezko prebentzio-neurri guztiak hartuko beharko ditu.
 - Erakunde antolatzaileak ziurtatu egin beharko du garbitasun, desinfekzio eta aireztatze neurri egokiak hartzen direla, erabilitako lokalen, instalazioen edo guneen ezaugarrien eta erabilera-intentsitatearen arabera.
 - Erakunde antolatzaileak erabilitako guneak mugatu egin beharko ditu, gehieneko edukierak eta gune bakoitzean egon daitekeen gehieneko pertsona kopurua ere bai. Hori dela eta, informatzeko seinaleak aurreikusi behar ditu prebentzio-neurriak eta pertsonen arteko distantziari buruz (kartelak, markak lurrian eta guneetan...) eta megafonia bidez prebentzioko mezuek eman behar ditu.
 - Pertsonen artean 1,5 m-ko distantzia mantenduko da eta maskara erabili beharko da beti, salbuespen bakarra kirolariak izango dira, beroketetan eta lehiaketa ez baitute maskararik erabili beharko.
 - Lehiaketako egunean erakunde antolatzaileak arreta berezia eskaini beharko die lehiaketa aurreko eta ondorengo fase guztietan segurtasun- eta osasun-neurri guztiei (kirolariak lehiaketako udalerrira iristean, publikoaren eta pilotaketen kontrola, kirolarien arteko distantziak, etab.).



- Erakunde antolatzailea osasun arloko profesional baten gidaritzapean arituko da, edo horrelakorik ezean, zeregin horretarako berariaz izendatutako pertsona baten gidaritzapean, eta hori arduratuko da neurriak zuzen betetzeaz.
- Ezingo da jarduera ludiko edo komertzial paralelorik antolatu.
- Nekez garbitu eta desinfektatu daitezkeen objektuak partekatzea ekidingo da.

- Kontingentzia-plana:
 - Covid-19aren sintomarik ohikoenetakoren bat (sukarra, hotzikara, eztula, aire-falta sentrazioa, usaimena eta dastamena txikitu, eztarriko mina, muskuluetako mina, buruko mina, ahultasuna, beherakoa edo botalarria) duen oro bere etxean egon beharko da eta osasun-zerbitzuari jakinarazi beharko dio ahalik eta lasterren.
Era berean, etxean beste batekin edo batzuekin bizi bada, harreman oro ekidin beharko du eta, ahal dela, gela batean egongo da bera bakarrik osasun-zerbitzuaren jarraibideak jaso arte.
 - Covid-19arekin bat datorren sintomatologia hautemanaz gero kirol-probaren ondorioz, zeregin horretarako izendatutako osasun-arloko pertsonak edo berariaz izendatuak Osakidetzara igorriko du kasua, osasun publikoko protokoloak ezartzeko.
 - Kirolariren batek edo talde teknikoko norbaitek COVID-19 gaixotasuna duela jakinez gero edo gaixotasun horren sintomak izanez gero edo baieztatutako kasu batekin harreman estua izanez gero, berehala jakinaraziko die osasun-agintariei Osakidetzak ezarritako bideak erabiliz eta une oro haren jarraibideak jarraituz.

- Irteeran eta Helmugan txirrindularien eta teknikarien pilaketak saihesteko neurriak:
 - Proba bakoitzean gehienez ere 200 txirrindularik hartuko dute parte.
 - Kirolariek ez dute maskararik eraman beharko beroketak egitean eta lehiatzean ere ez.
 - Erakunde antolatzaileak osasun arloko profesional bat izango du, edo horrelakorik ezean, zeregin horretarako berariaz izendatutako pertsona bat, partaideek baldintza hauek betetzen dituztela bermatzeko:
 - Txirrindulariak Irteerako zonara maskara behar bezala jarrita joango dira eta ez dute kenduko Irteerako Epaileak baimendu arte, irteera neutralizatua hasi baino segundo batzuk lehenago.
 - Baimena emandakoan, txirrindulari bakoitzak bere maskara gordeko du; ezingo da lurrera bota edo hirugarren pertsona bati eman.
 - Helmugan erakunde antolatzaileak Helmugako Lerroaren ondorengo 50 metroetako (balaztatzeko eremua) sarbidea mugatu egingo du hesiak edo beste bitarteko batzuk erabiliz eta eremu horretan txirrindulariak eta probako langile ofizialak baino ez dira egongo. Dena dela, pertsona hauek ahalik eta denbora laburrena egongo dira zona horretan, pilaketak saihestuko dituzte eta eremua berehala hustuko dute.
Txirrindulariek izan ezik, gainerako guztiek maskara erabili beharko dute. Txirrindulariek maskara erabili beharko dute zona husten duten une beretik eta ahalik eta lasterren hustuko da zona.



- Ikusleentzako neurriak:
 - Lasterketa igaroko den gunea edo ibilbidea aurrez mugatu behar da, gehienez ere 100 lagun egon daitezke gune edo tarte bakoitzean, pertsona batetik bestera 1,5 metroko distantzia mantendu behar da eta maskara erabili beharko da beti. Lasterketa irekiko duen ibilgailuak megafonia izango duenez, ibilbideko errepide bazterrean egongo den jendeari megafonia bidez gogorarazi beharko zaio 1,5 metroko distantzia gordetzeko eta maskara erabiltzeko.
 - Erakunde antolatzaileak informatzeko seinaleak aurreikusi behar ditu prebentzio-neurriei eta pertsonen arteko distantziari buruz (kartelak, markak lurrean eta guneetan...) eta megafonia bidez prebentzioko mezuak eman behar ditu, ikusleek errespetatu ditzaten.
 - Erakunde antolatzailea izango da Irteeran eta Helmugan eta Protokolozko Zeremonian (horrelako ekitaldi publikorik balego) pilaketak ekiditearen arduraduna, zona horietarako sarrera eta irteera ordenatuta egingo dela ziurtatuko du beti, pertsonen artean ezarritako distantzia fisikoa mantenduko da eta maskarak erabiliko dira.
 - Ez da jendearentzako harmailarik muntatuko.
 - Taberna jarriko den instalazioetan sektore honetarako indarrean diren murrizketa eta segurtasun-neurri guztiak mantenduko dira.

- Espazio itxiak: Bulego iraunkorra/Izen-emateen kontrola
 - Izen-emateen kontrola dagoen tokian Epaimahai Teknikoko burua, Epaimahaiko idazkaria eta taldeko kirol zuzendari bat baino ezingo dira egon; gainerako zuzendariak lokaletik kanpo egon beharko dira, elkarrengandik 1,5 metroko distantziara eta maskarekin. Arren eskatzen da taldeek eta txirrindulariek posta elektronikoz formalizatu ditzatela izen-emateak; ETxF-ra bidali behar da mezua, proba hasi baino gutxienez 48 ordu lehenago.
 - Erakunde antolatzaileak zorrotz garbitu eta desinfektatu beharko du espazio osoa Bulego Iraunkorra ireki aurretik eta okupatuta dagoen bitartean.
 - Bulego Iraunkorra behar bezala egokituta egongo da partaideek izena eman ahal izateko, dortsalak banatzeko... edo beharrezko gainerako zereginak egiteko inolako pilaketarik gabe eta pertsonen artean 1,5 metroko distantzia mantenduz eta maskara erabiliz.
 - Erakunde antolatzaileak Bulego Iraunkorrerako sarreran eta barruan jarriko ditu higie eta desinfekzioko elementu guztiak, hala nola xaboi hidroalkoholikoa, desinfektatzeko produktuak, eskuak lehertzeko papera... eta nahitaezko prebentzio-neurrien berri emango du.
 - Erakunde antolatzailea arduratuko da espazioa behar bezala aireztatzeaz.
 - Erakunde antolatzailearen ardura izango da kartelen eta beharrezko seinaleen bidez pertsonen artean 1,5 metroko distantzia gorde behar dela ohartaraztea, maskara erabiltzea nahitaezkoa dela ohartaraztea eta gainerako informazio erabilgarria ematea ere bai.
 - Antolakuntza - Epaimahaia - Kirol Zuzendari arteko bilera antolatuz gero, beharrezko distantziarekin jarriko dira aulkiak eta inoiz ez da lokalaren edukieraren % 60 baino gehiago beteko.



- Gainerako kontu guztietan, erakunde antolatzaileak kontuan izan eta bete egin beharko ditu Bulego Iraunkorra dagoen establezimendu, lokal edo gunetarako eskudun agintariek emandako arau guztiak.
- Ibilgailu jarraitzaileen aparkalekua
 - Erakunde antolatzaileak antolakuntzako ibilgailuentzat, ofizialentzat eta taldekoentzat jarriko duen aparkalekua behar bezain zabala izan behar da, pertsonen pilaketarik egon ez dadin eta pertsonen artean 1,5 metroko distantzia gorde dadin une oro.
- Ibilgailuen okupazioa eta pertsonen garraioa lehiaketan:
 - Euskal Autonomia Erkidegoko lurretan soilik garatuko diren txirrindularitzako lehiaketetan ibilgailuen okupazioa eserita joan daitezkeen plazen berdina izan daiteke, baina pertsona batetik bestera ahalik eta distantziarik handiena mantentzen saiatu behar da ahal den guztietan. Ibilgailuan doazenek maskara erabili beharko dute, denak etxebizitza berean elkarrekin bizi ez badira. Motozikleten kasuan, eskularruak erabili beharko ditu gidariak eta gidariarekin doanak ere bai, erabilera partekatuko motozikletak badira. Motorzaleen babes-eskularruak onartuta daude kasu hauetan.
- Podiuma: Protokolozko zeremonia
 - Podiuma behar bezala egokituta egon beharko da, sariak eta maillotak eman ahal izateko, pertsonen arteko harreman fisikoa ekidingo da, gutxienez 1,5 metroko distantzia mantenduko da (baita podiumeko kaxen artean ere, egonez gero) eta maskara erabiliko da.
 - Protokolozko zeremonia atek itxita egitea gomendatzen da, saritutako txirrindularia(k) eta laguntzaile bat baino ez dira sartuko, osasun neurriak kontrolatzeko erakunde antolatzaileak izendatutako pertsona eta saria emango duenez gain.
 - Taldekako saria hartu behar izanez gero, talde irabazleko pertsona bakarra eta laguntzaile bat joango dira, ekitaldia atek itxita eginez gero.
 - Ahal den guztia mugatu behar da bigarren mailako edo tarteko sailkapen kopurua.
 - Protokolozko zeremonia ez bada atek itxita egin behar, antolatzaileak arduratuko dira jende pilaketak ekiditeaz, guneak mugatuko dituzte eta gune bakoitzeko gehieneko jende kopurua ere bai eta megafonia bidez adieraziko da pertsonen artean gutxienez 1,5 metroko distantzia gorde behar dela eta maskara erabiltzea nahitaezkoa dela.
 - Erakunde antolatzaileak zorrotz garbitu eta desinfektatu beharko du espazio osoa protokolozko zeremoniaren aurretik.
 - Erakunde antolatzaileak podiumaren sarreran -edo gertuko inguruan- jarriko ditu higiene eta desinfekzioko elementu guztiak, hala nola xaboi hidroalkoholikoa, desinfektatzeko produktuak, eskuak lehortzeko papera...
- Sinaduren kontrola: Ez da egongo.
 - Ez da sinaduren kontrola egiteko baimenik emango.



- Auto neutroetatik egiten den hornidura:
 - Hermetikoki prezintatutako plastikozko botilatxoak baino ez dira baimenduko.
- Dutzak:
 - Erakunde antolatzaileak ez die eskainiko dutxa zerbitzurik partaideei .

Erakunde antolatzaileei arren eskatzen zaie ahalegindu daitezela Irteera eta Helmuga (askotan bat bera izaten dira) hiriguneetatik kanpo jartzen, eta hauetatik kanpo edo biztanleria dentsitaterik gabeko edo txikiko gunetan jartzen.